

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SETSWANA PUOTLALELETSO YA NTLHA (FAL)

PAMPIRI YA BORARO (P3)

2018

MEMORANTAMO

MADUO: 100

Memorantamo o, o na le ditsebe di le 15.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (PAMPIRI 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAACKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlhomu, baamogedi le bokao 30 MADUO	Maemo a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgathisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhologanyegang e bile go kgotsofatsa -E rulagane le go lomagana mo go tlhologanyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapanang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		Maemo a kwa tlase	25–27 -Tsibogelo e e manontlhotlho, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgathisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelwa ke go tlhologanyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tsweleditswe)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>PUO, SETAELE LE GO TSELEGANYA/ RUNA</p> <p>Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto</p> <p>15 MADUO</p>	<p>Maemo a kwa godimo</p>	<p>14–15</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tliaolegileng -Segalo se se nang le maikaelelo a a tlotlheletsang -Ga go na diphoso tsa thutapuo le tsa mopeleto ka gotlhe -Puo e e manontlotlho ya maemo a a kwa godimo</p>	<p>11–12</p> <p>-Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tshamilwe ka matsetseleko</p>	<p>8–9</p> <p>-Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tthagisa bokao -Segalo se maleba -Tiriso ya malepa a a tlotlheletsang ya go tthagisa diteng</p>	<p>5–6</p> <p>-Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata</p>	<p>0–3</p> <p>-Puo ga e tthaloganyesege -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tthaloganya</p>
		<p>Maemo a kwa tlase</p>	<p>13</p> <p>-Puo e e matsetseleko ya tlotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tshamilwe ka manontlotlho</p>	<p>10</p> <p>-Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tshamilwe bontle</p>	<p>7</p> <p>-Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlotlheletso</p>	<p>4</p> <p>-Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota</p>
<p>KAGEGO</p> <p>Diponagalo tsa sethangwa Kago ya ditemana le go tthagwa ga dipolelo</p> <p>5 MADUO</p>		<p>5</p> <p>-Kago e e manontlotlho ya setlhogo -Dintlhana tse di tliaolegileng -Dipolelo le ditemana di bopilwe bontlentle</p>	<p>4</p> <p>-Kago e e latelanang ya dintlhana -Lomagane -Dipolelo le ditemana di a latelana, di a farologana</p>	<p>3</p> <p>-Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le tthaloganyo</p>	<p>2</p> <p>-Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tthaloganyo</p>	<p>0–1</p> <p>-Dintlha tse di botlhokwa di a tthaela -Dipolelo le ditemana di fosagetse -Tlhamo e tlhoka tthaloganyo</p>

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
<p>DITENG, THULAGANYO LE SEBOPEGO</p> <p>Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso</p> <p>MADUO 18</p>	<p>15–18</p> <p>-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse</p>	<p>11–14</p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye</p>	<p>8–10</p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng</p>	<p>5–7</p> <p>-Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng</p>	<p>0–4</p> <p>-Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego</p>
<p>PUO, SETAELE LE GO TSELEGANYA/RUNA</p> <p>Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto</p> <p>MADUO 12</p>	<p>10–12</p> <p>-Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele</p>	<p>8–9</p> <p>-Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso</p>	<p>6–7</p> <p>-Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao</p>	<p>4–5</p> <p>-Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile</p>	<p>0–3</p> <p>-Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota</p>
SEELO SA MADUO	25–30	19–23	14–17	9–12	0–7

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>DITENG, THULAGANYO LE SEBOPEGO</p> <p>Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso</p> <p>MADUO 12</p>	<p>10–12</p> <p>-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse</p>	<p>8–9</p> <p>-Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye</p>	<p>6–7</p> <p>-Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng</p>	<p>4–5</p> <p>-Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng</p>	<p>0–3</p> <p>-Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego</p>
<p>PUO, SETAELE LE GO TSELEGANYA/ RUNA</p> <p>Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto</p> <p>MADUO 08</p>	<p>7–8</p> <p>-Segalo, rejisetara, setaele le tlotlofoko tse di maleba thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele</p>	<p>5–6</p> <p>-Segalo, rejisetara, setaele le tlotlofoko tse di maleba thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso</p>	<p>4</p> <p>-Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao</p>	<p>3</p> <p>-Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile</p>	<p>0–2</p> <p>-Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakathakane -Tlotlofoko ga e maleba go maitlthomo -Bokao bo kgoreletsegile tota</p>
SEELO SA MADUO	17–20	13–15	10–11	7–8	0–5

PUOTLALELETSO YA NTLHA PAMPIRI YA 3 – SEETEBOSIGO 2018**GO KWALA LE GO TLHAGISA****KAROLO YA A: TLHAMO****MADUO: 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Eo, e ne e le toro tota!	Kanelo
1.2	Ke ne ka iphitlhela ke le mo sekgweng se se boitshegang.	Kanelo
1.3	Dikgaisano tsa mmino wa setso mo porofenseng ya rona.	Tlhaloso
1.4	Fa nka nna tonakgolo ya sepodisi ...	Maitlomo
1.5	Mathata a go se tseye thuto tsia.	E e sa tseyeng letlhakore
1.6	Bakgweetsi ba ba tloang molao ba tseelwe makwalo a go kgweetsa.	Ngangisano
1.7 1.7.1–1.7.2	Lebelela ditshwantsho tse di latelang, mme o kwale tlhamo ka sengwe sa tsona.	Kanelo/Tlhaloso/E e sa tseyeng letlhakore/Ngangisano/Maitlomo

KAROLO YA B: DITLHANGWA TSE DILEELE TSA TIRISANO**MADUO – 30**

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Tsa botshelo jwa moswi
2.3	Thadiso ya filimi
2.4	Mmuisano

KAROLO YA C: DITLHANGWA TSE DIKHUTSHWANE TSA TIRISANO**MADUO – 20**

DINOMORO TSA DIPOTSO	MOFUTA WA SETLHANGWA
3.1	Papatso/Phasalatso
3.2	Karata ya taletso
3.3	Dikaelo

PALOGOTLHE YA TLHATLHOBO: 100

MEFUTA YA DITLHAMO**1.1 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Eo, e ne e le toro tota!	<ul style="list-style-type: none"> ✓ Motlhatlhojwa a ka tlhalosa toro ya gagwe. ✓ Motlhatlhojwa a ka tlhalosa maikaelelo le maitlhamo a gagwe mabapi le toro. ✓ A ka bua ka tumelo ya gagwe mo torong. ✓ A ka bua ka ditsholofelo tsa gagwe go tswa mo torong e.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e thagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

1.2 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Ke ne ka iphitlhela ke le mo sekgweng se se boitshegang.	<ul style="list-style-type: none"> ✓ Motlhatlhojwa a tlhalose gore o ne a tswa kwa kae gore a feleletse a iphitlhela a le mo lefelong le a neng a le mo go lona. ✓ A bue ka se se diragetseng pele a tsena mo sekgweng. ✓ A bue ka se a se itemogetseng mo sekgweng. ✓ Motlhatlhojwa a tlhalose gore o tswile jang mo sekgweng. ✓ Motlhatlhojwa a tlhalose ka se a se ithutileng go tswa mo sekgweng se.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e thagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

1.3 TLHAMO YA TLHALOSO

Mokwadi mo tlamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
Dikgaisano tsa mmimo wa setso mo porofenseng ya rona.	<ul style="list-style-type: none"> ✓ Motlhatlhojwa a ka bua ka lefelo le dikgaisano di neng di tshwaretswe mo go lona. ✓ Motlhatlhojwa a bue ka mafapa a a farologaneng a a tshegetsang dikgaisano tsa mofuta o wa mmimo. ✓ A bue ka ditiragalo dikgolo tsa letsatsi leo. ✓ A bue ka ditso tse di farologaneng. ✓ A bue bokhutlo jwa dikgaisano.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo ka setlhogo se.

1.4 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhommo a gagwe.

Setlhogo	Dintlha tse di solofetsweng
Fa nka nna tonakgolo ya sepodisi ...	<ul style="list-style-type: none"> ✓ A bue ka se se mo tlhotlheleditseng go nna lepodisi. ✓ Motlhatlhojwa a tlhagise lenaane la gagwe la go thapa le go tshegetsang mapodisi. ✓ A neele mofuta ya ditiragalo tse e leng tlhobaboroko mo setšhabeng le gore di ka efogiwa jang. ✓ Motlhatlhojwa a bue ka tirisano mmogo ya gagwe le morafe. ✓ Motlhatlhojwa a bue ka diphetogo tse a ka di tlisang.

Kaedi ya go tshwaya: Tlhamo ya maitlhommo

- Tlhamo ya maitlhommo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlamong ke go tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/Megopolo/Maikutlo di tshwanetse go senola boammaaruri le maitemogelo.

1.5 TLHAMO E E SA TSEYENG LETLHAKORE

Tlhamo ya mofuta o, e tthagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tthalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Mathata a go se tseye thuto tsia.	<ul style="list-style-type: none"> ✓ A tthagise dintlha tse di botlhokwa ka ga thuto. ✓ A tthagise mabaka a a tlhodileng go se tseye thuto tsia. ✓ Motlhatlhojwa a tthalose maitemogelo a gagwe ka go ikgatholosa thuto. ✓ A tthagise ditlamorago tsa go ikgatholosa thuto.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhologanngwa sentle.
- Go botlhokwa gore se motlhatlhojwa a se buang kgotsa a se tthagisang se tshegediwe ka dintlha tse di lekalekanang.
- Motlhatlhojwa o tthalosa bokao jo bo sa tlwaelegang gore mmuisi a tlhologanye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tthaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

1.6 TLHAMO YA NGANGISANO

Mo tlhamong e, motlhatlhojwa o tthagisa ntlhakemo, mme a nganga ka maitlhomamo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Bakgweetsi ba ba tlolang molao ba tseelwe makwalo a go kgweetsa.	<ul style="list-style-type: none"> ✓ Motlhatlhojwa a tlhagise gore a o dumalana le setlhogo kgotsa nnyaya. ✓ A tlhagise dintlha tse di tlhotlheleditseng ntlhakemo ya gagwe. ✓ A tlhagise dintlha tse di farologaneng tse di dirang gore bakgweetsi ba se obamele melao ya tsela. ✓ A neele dikao tse di tshegetsang ntlhakemo ya gagwe. ✓ Motlhatlhojwa a ka neelana ka dikao tse di tshegetsang ntlhakemo ya gagwe. ✓ Motlhatlhojwa a ka khutlisa ka go senola mathata a a amanang le ntlhakemo ya gagwe le gore a ka efojiwa jang.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsang ntlhakemo ya gagwe, mme a tlhalose se.
- Tlhamo e, e tlhagisa letlhakore le le lengwe, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumalana le se se tlhagisitsweng. Tlhamo ya mofuta o, e kwalwe ka pakajaanong.

1.7 1.7.1–1.7.2 Tlhamo ya kanelo/maitlhomomo/e e sa tseyeng letlhakore/ngangisano/tlhaloso

PALOGOTLHE YA KAROLO YA A: 50

KAROLO YA B: DITLHANGWA TSE DILEELE TSA TIRISANO**2.1 LEKWALO LA BOTSALANO**

Lekwalo la mofuta o, ke lekwalo le o tseelang/tlotlelang mongwe kgang, go mo leboga, akgola kgotsa go mo eleletsa masego.

Lekwalo la botsalano	Dintlha tse di solofetsweng
Motlhatlhojwa a kwale lekwalo a itsise tsala ya gagwe gore o bone mpho ya sejanaga go tswa kwa batsading.	<ul style="list-style-type: none"> ✓ A tlhagise mabaka a a dirileng gore batsadi ba mo rekele sejanaga. ✓ Motlhatlhojwa a tlhagise ka moo tiragalo ya mofuta o e mo amileng maikutlo ka teng. ✓ A tlhalose mofuta wa sejanaga. ✓ A bue ka tsela e a tlileng go dirisa sejanaga ka yona.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- Ditumediso di supe botsalano.
- Matseno a nne maleba le setlhogo.
- Diteng di bontshe go fiwa mpho ya sejanaga.
- Bokhutlo e nne jo bo kgodisang.
- Motlhatlhojwa kwa bofelong a ka tlhagisa mafoko a a latelang: (Ke nna/Tsala ya gago).
- Motlhatlhojwa a tlhagise leina la gagwe kwa ntle ga sefane.

2.2 TSA BOTSHELO JWA MOSWI

Ke tshedimosetso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di solofetsweng
Motlhatlhojwa o thusa balosika ka go ba kwalela tsa botshelo jwa moswi malomaagwe.	<ul style="list-style-type: none"> ✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise tshedimosetso ka dintlha tse di latelang: Leina la moswi, letlha la matsalo, batsadi, boagi, dithutego, botlhokwa jwa moswi mo losikeng, ditiro tse moswi a neng a rata go di dira mo motseng. ✓ Motlhatlhojwa a tlhagise se se bakileng loso. ✓ A dirise puo e e bonolo e bile e tlhaloganyega.

Kaedi ya go tshwaya: Tsa botshelo jwa moswi

- Motlhatlhojwa a kwale ka pakapheti
- Motlhatlhojwa kwa bofelong a kwale mafoko a 'Robala ka kagiso'

2.3 THADISO YA SETSHWANTSHO/FILIMI.

E thalosa dintlha tsa setlhangwa kgotsa tlhagiso jaaka modiragatsimogolo, ditiragalokgolo le diponagalo tse di tsamaisanang le setaele.

Thadiso ya setshwantsho/filimi	Dintlha tse di solofetsweng
Motlhatlhojwa o thadisa ka filimi e e mo gapileng maikutlo.	<ul style="list-style-type: none"> ✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise se se dirileng gore a rate filimi e thata. ✓ Motlhatlhojwa a tlhagise tshedimose tso ka dintlha tse di latelang: -Ditiragalokgolo, batsayakarolo, modiragatsimogolo le morero kana thitokgang. ✓ A tlhagise gore filimi e ka lebelelwa ke bomang. ✓ Motlhatlhojwa a tlhagise leina la motlhagisi wa filimi. ✓ Motlhatlhojwa a tlhagise gore motlhagisi o fitlheletse maitlomo a gagwe.

Kaedi ya go tshwaya: Thadiso ya setshwantsho/filimi

- Motlhatlhojwa a kwale ka pakapheti/pakajaanong.
- A dirise puo e e bonolo e bile e tlhaloganyega.

2.4 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo kgotsa ba buisana ka setlhogo sengwe se se rileng. Sebopego sa yona ke sa dipotsotherisano fela ona o dirwa gongwe le gongwe ke mongwe le mongwe.

Mmuisano	Dintlha tse di solofetsweng
Motlhatlhojwa a kwale mmuisano ka ga setshwantsho.	<ul style="list-style-type: none"> ✓ Motlhatlhojwa a thale pono pele mmuisano o simolola. ✓ A bontshe kgangkgolo ya mmuisano. ✓ A kwale maina a dibui/batsayakarolo mo matlhakoreng oomabedi. ✓ A dirise dikhutlwana ka fa morago ga leina la sebui. ✓ A dirise mola o mošwa go supa sebui se sešwa. ✓ A dirise masakana go neela dikaelo/go gakolola babuisi. ✓ A emele ntlha nngwe le nngwe ka botshepegi. ✓ A bontshe ka moo a khutlisang mmuisano wa gagwe ka teng.

Kaedi ya go tshwaya: Mmuisano

- Motlhatlhojwa a kwale ka mokgwa o moterama a kwalang ka ona.
- Dibui di nne pedi.
- Motlhatlhojwa a kwale setlhogo se go buisanwang ka ga sona.
- Dipolelo di nne dikhutshwane.
- Diteng tsa motlhatlhojwa di supe boitlhamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- Motlhatlhojwa a dirise matseno, mmele le bokhutlo sentle.
- Kgang ya motlhatlhojwa e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Motlhatlhojwa a dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO

3.1 PHASALATSO

Papatso/Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa, thelebišene go lemosa babuisi ka ga kgwebo.

Papatso/Phasalatso	Dintlha tse di solofetsweng
Motlhatlhojwa a kwale papatso/phasalatso a lebile setshwantsho go ngoka batho ba ba ratang borotho le dikuku.	<ul style="list-style-type: none"> ✓ Motlhatlhojwa a kwale lefelo la kgwebo, aterese le dinomoro tsa mogala. ✓ Motlhatlhojwa a tthagise mofuta wa marotho le dikuku tse a kgonang go di baka. ✓ Motlhatlhojwa a tthagise lenaneo la ditlhotlha tsa dikuku le marotho. ✓ Motlhatlhojwa a tthagise matsatsi le nako ya kgwebo.

Kaedi ya go tshwaya: Papatso/Phasalatso

- Letshwao la kgwebo le tthagisiwe sentle.
- Bareki kgotsa badirisi ba ba tobilweng.
- Nako ya ditirelo e tthagisiwe sentle.
- Puo e ngoke babuisi.
- Tshedimose tso ya megala le leina la yo go ka ikgolagannngwang le ena di tthagisiwe.
- Ditshwantsho le dithalo ga di a tshwanela go abelwa maduo.

3.2 KARATA YA TALETSO

Ke mokgwa o a ka o dirisang go tsibosa kana go lemosa batho ka tiragalo nngwe. E nne le tshedimose tso, e tlhotlheletse le go ruta.

Karata ya taletso	Dintlha tse di solofetsweng
Motlhatlhojwa a thale karata ya taletso e mo go yona a laletsang batho kwa tshirilolong ya letlapa la ga nkokoagwe.	<ul style="list-style-type: none"> ✓ Motlhatlhojwa a thale karata ya taletso e e maleba. ✓ A tthagise dintlha tse di botlhokwa tse di amanang le taletso tsa go tshwana le leina la molalediwa, tlhaloso ya moletlo, letlha la moletlo, jalojalo. ✓ Motlhatlhojwa a dirise puo e e maleba e bile e tshwanela motho yo o lalediwang. ✓ Motlhatlhojwa a se le bale dinomoro tsa mogala tsa molaletsi.

Kaedi ya go tshwaya: Karata ya taletso

- Molaetsa o tlhamalale mo go se o se kopang.
- Go kwalwe dipolelo tse di bonolo le gone di nne dikhutshwane le go tlhaloganyega.
- Maitlhommo a motlhatlhojwa a tlhagelele sentle.
- A karata e kgatlhise go ngoka molalediwa.
- Motlhatlhojwa a bontshe dinomoro tsa mogala le lefelo le moletlo o tlaa tshwarelwang kwa go lona.
- Ditshwantsho le dithalo ga di a tshwanela go abelwa maduo.

3.3 DIKAELO

Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya kwa go rileng.

Dikaelo	Dintlha tse di solofetsweng
Motlhatlhojwa o rulaganya dikaelo go tswa kwa toropong go fitlha kwa sekolong.	<ul style="list-style-type: none"> ✓ Motlhatlhojwa a neele leina la lefelo le loeto lo tla simololang kwa go lona. ✓ Motlhatlhojwa a bontshe tsela ka go dirisa matshwao a tsela, dikago le maina a mebila kgato ka kgato. ✓ Diteng di bontshe thulaganyo e e lolameng.

Kaedi ya go tshwaya: Dikaelo

- Diteng di nne dikhutshwane.
- Dintlha tsa botlhokwa le tse di maleba fela di tlhagisiwe.
- Dikgato di tlhagisiwe sentle ka tatelano.
- Puo e e dirisiwang e nne e e lolameng.
- Ditshwantsho le dithalo ga di a tshwanela go abelwa maduo.

PALOGOTLHE YA KAROLO YA C: 20
PALOGOTLHE YA TLHATLHOBO: 100